

SIARAN MEDIA KEMENTERIAN KEWANGAN MALAYSIA

Harga Simen Di Sarawak Secara Ketara Lebih Tinggi Berbanding Di Semenanjung Malaysia, Dan Satu Penyiasatan Diperlukan Bagi Menentukan Sama Ada Ia Berlaku Akibat Amalan Monopoli

Menteri Perdagangan Dalam Negeri dan Hal Ehwal Pengguna Datuk Seri Saifuddin Nasution Ismail telah membuktikan komitmen Kerajaan untuk mengawal kos sara hidup rakyat Malaysia pada tahap yang berpatutan. Ini telah dilakukan dengan mengekang kenaikan harga simen setelah Kerajaan berbincang dengan syarikat-syarikat industri simen.

Kejayaan Kerajaan ini sekaligus menjawab kebimbangan awam akan ura- ura kenaikan harga simen setinggi 40% di Semenanjung Malaysia seperti dilaporkan media minggu lepas. Ia juga meredakan kerisauan awam bahawa pengeluar-pengeluar terbesar simen tempatan telah menyalahgunakan kuasa pasaran mereka untuk menaikkan harga simen secara tidak adil.

Simen adalah bahan binaan asas. Sebarang kenaikan harga simen yang ketara akan disalurkan semula ke dalam ekonomi. Ini kemudiannya akan menjejaskan kuasa membeli para pengguna.

Pada masa yang sama, harga simen di Sarawak adalah secara ketara lebih tinggi berbanding di Semenanjung Malaysia. Satu penyiasatan diperlukan bagi menentukan sama ada ia akibat amalan monopoli industri tempatan di Sarawak.

Buat masa ini, kadar inflasi bagi pengguna di Malaysia kekal rendah dan stabil. Indeks Harga Pengguna untuk bulan April 2019 telah meningkat sebanyak 0.2% sahaja, iaitu pada kadar yang sama untuk bulan Mac 2019.

Sayangi Malaysiaku!

Lim Guan Eng

Menteri Kewangan

Kementerian Kewangan Malaysia

Putrajaya

23 Jun 2019

[Tweet](#)

[Like](#) Be the first of your friends to like this.